

欽定剿平三省邪匪方略

欽定剿平三省邪匪方略正編卷一百五十四

庚申年

二月二十四日

丁未

廣厚奏言

臣

由番地進口兼

程行走於本月十五日至狄道州之官堡連接

各州縣稟報前竄岷州宕昌之賊已折竄該州

間井又一股賊匪由禮縣之嶺子頭折回該縣

桃坪忽分忽合奔突無定察看匪蹤漸向西北

滋擾查西北州縣如狄道渭源等處均與岷禮

緊相接壤守禦空虛而額勒登保德楞泰那彥  
成恒瑞各路大兵現由東南兩面進剿已獲勝  
仗若賊匪情急竟向西北奔趨不但蔓延可慮

抑且逼近省城臣率領官兵擬卽由岷州之遮

羊舖前進藉以屏蔽西北完善地方務令賊匪  
不致深入並可步步兜圍逼向東南以便幫同

額勒登保等合力夾擊至臣進口時尚不知額

勒登保等先後赴甘因本省派撥之兵多係新  
招入伍難期得力是以咨調蒙古兵丁前來據  
旺沁班巴爾咨覆該蒙古兵已於十二日起程  
計目下正在途次誠如

謹諭未便遽行阻回且楊俊與慶成先將姜開陽所  
調之兵帶赴陝邊次羌亦在岷州東南此時西  
北一帶只有下現帶西寧河州兩鎮兵二千三

名賊匪股數衆多不足以資分堵再四等思  
旨令蒙古兵丁前來協剿一俟可以裁撤卽遵  
旨妥爲遣回再慶成仰蒙

旨令其立功自贖其姜開陽前調之兵似可專交  
慶成帶領現在四川軍務亦關緊要楊揆卽可  
前赴新任奏入

上命軍機大臣傳諭廣厚曰賊匪在岷州禮縣地方

奔突無定窟勒登保那彥成等各路大兵現由東  
南兩面進剿連獲勝仗廣厚恐賊匪被剿情急向  
西北奔趨仰率領官兵由岷州之遮羊鋪前進屏  
蔽西北所辦甚是此時無當幫同額勒登保等兩  
面夾擊賊匪併力殲除斷不可使甘省西北完  
善地方致遺蹂躪至謁派阿拉善兵一節屢經降  
旨飭諭現在廣厚帶領西寧河州兩鎮兵二千三

百名已不爲少本可無須此項蒙古兵丁况蒙古  
兵本非勁旅又祇係七百名於事何益廣厚不先  
行奏明率行咨調殊爲失當前已諭令長麟妥爲  
料理俾令轉回長麟自己遵照辦理廣厚不可復  
將撤回蒙古之兵再行調用務須就現有兵力上  
策劃辦不可稍有延緩至川西軍務現關緊要楊  
一應該省藩司卽催令前赴新任可也

同日

上諭內閣曰教匪滋事起於湖北沿及河南陝甘四川地方往來逃竄迄今四載有餘尚未蕩平朕心日深焦厯推其蔓延之故總緣領兵大員及各督撫等未發天良既不能卽在本境將賊匪剿滅任其奔逸而隣省又未能實力堵禦縱賊入境卽有能拏獲一二賊首者輒思藉此邀功仍置餘黨於



不問以致輾轉滋蔓復行勾結所至之處荼毒生靈勞師糜餉不可勝計伊等貽悞之咎實屬百喙難辭今當列其罪狀再行明白宣諭俾衆知之如湖北教匪在枝江宜都起事時惠齡係湖北巡撫在彼剿辦並未設有總統嗣因永保由烏魯木齊回京在西安地方具摺請赴湖北軍營而福康安又保奏其人尚可用是以授爲總統專剿湖北賊

匪乃永保坐擁多兵毫無調度賊匪在鍾祥屯聚  
時明亮駐劄鍾祥之正南合之東南西南三路祇  
有兵三千餘名不敷防堵永保在鍾祥之北面帶  
兵九千餘名多寡懸殊明亮與永保以此遂生嫌  
隙詎知賊匪不由明亮一路兵少處竄逸轉向永  
保北面兵多處奔逃自此由鍾祥北竄焚掠潯河  
鎮竄至黃龍壩

皇考因明亮永保彼此齟齬恐悞軍務令明亮前赴湖  
南專辦苗匪而永保仍前怠玩不將賊匪在湖北  
境內殄滅縱令偷渡滾河闌入豫境此永保首先  
縱賊之罪其時景安能在豫省各要隘督率堵禦  
則賊匪前有攔截後有追兵亦不致肆行衝突乃  
景安畏葸怯懦有心避賊僅在南陽株守不發一  
兵賊匪遂從武關竄往陝西毫無阻擋雖有慶成

張文奇在盧氏一帶稍挫賊鋒而已不能遏其西  
竄此景安縱賊入豫又復擾及陝境之罪追賊匪  
已竄至陝秦承恩並未督率文武扼要堵截聽其  
出商州鎮安逃往石泉紫陽而漢江船隻又未盡  
汨南岸使賊匪得以搶船徑渡漢江從漢中直竄  
川境此又秦承恩縱賊入陝復致擾及川省之罪  
至四川教匪其始不過王三槐徐添德二人在東

歸達州滋擾爲數無多彼時係英勳禮善剿辦  
若卽能奮力攻擊原不難立時撲滅乃亦因循遲  
後致賊匪四出勾結日聚日多辦理遲悞之罪亦  
無可辭至宜綰以陝甘總督總統軍務自到川省  
後惟知在大城寨蓋房居住一年有餘並未與賊  
接仗使賊匪得以從容裹掠肆擾頻年至今未能  
剿盡伊卽年老多病亦應及早切實奏懇解任乃

貪戀因循致滋貽悞其罪實不可恕至惠德係接辦永保總統之事帶兵總不出力特因其在湖北時曾將聶傑人張正謨劉啟榮生擒在四川時曾將羅其清冉文儔擊獲尚有微勞可錄且在軍營尙無婪索贓私實據前已降爲侍郎姑免追問此外貽悞諸人除永保業經定擬應斬監候外景安現已拏問俟解京時交軍機大臣會同刑部審訊

定擬具奏秦承恩前已革職因伊有母喪加恩令其回籍今已將服闋豈可任其安居故里著費淳傳旨將秦承恩發往伊犁効力贖罪押令卽由原籍起程英善著革去吏部侍郎加恩賞給四品頂戴隨同和寧仍在西藏辦事宜綿若仍令以三等侍衛辦理烏里雅蘇臺叅贊事務不足示儆著綿佐傳旨將宜綿革職發往伊犁効力贖罪卽由該

處發往以上各員經朕此次分別懲辦罪狀昭著  
嗣後各路領兵大員督撫等任剿賊之責者總須  
在本境將賊匪殲淨不得縱令他竄任堵禦之責  
者亦須在本境嚴密防守不得任賊闖入當以永  
保景安秦承恩宜綿等爲戒以期共知儆惕奮勉  
成功毋負諄諄告誡至意

上命軍機大臣傳諭各路軍營領兵大員曰自剿辦



教匪以來四載有餘任其東奔西竄尚未藏事總  
由帶兵大員剿捕不力不能於本境殲除淨盡但  
以驅逼出境便可邀功以致賊匪四散逃竄蔓延  
四省而隣境竄來之賊又不能於地方要隘認真  
防堵任其闌入似此輾轉奔逃賊匪何時始能辦  
竣已將從前貽誤領兵大臣分別治罪矣此時陝  
甘川楚賊匪分投奔竄來往靡常著責成各路領

兵大員自奉到諭旨之日爲始各將專辦賊匪卽於本境剿盡如甘省賊匪專交額勒登保那彥成剿辦陝省賊匪專交台布剿辦四川賊匪專交德楞泰魁倫勒保剿辦湖北賊匪專交松筠明亮倭什布剿辦務將本境專辦之賊設法兜截殲滅無遺倘因剿捕緊急竄逸出境遂爲了事不但不能邀功必當治以縱賊之罪若各該省邊界堵禦不

嚴致賊竄入亦必當重治疎防之咎並著經畧額  
勒登保查明堵剿不力之員卽行據實叅奏總之  
堵剿各有專司則賊匪所到之地卽不能復行竄  
越而領兵大員責成旣專亦無從推卸諉咎庶各  
齊心併力以期尅日竣事倘仍前延玩賊匪遲完  
一日不特朕心引咎刻難自寬內而軍機大臣外  
帶兵大員之罪亦日重一日諸臣務當遵訓

諭勉之又勉當以從前貽誤諸人作前車之鑒也

臣等謹案古昔誓命之作必有明罰之條蓋以振頹靡而申激勸實萬不得已之苦心焉

我

皇上自籌咨軍務以來

宵旰勤求

洞微鑑遠凡將帥之賢否無不詳加旌別黜陟權衡

固已軍紀肅然人思效命矣此次因剿辦遲  
延

申諭從前貽誤諸臣之咎分別譴斥臣等伏讀

綸言於數年來地勢賊蹤瞭如指掌準情列狀至公  
至平在獲罪者固莫不感愧誠服而各路帶  
兵大員復荷

訓誡遙頒分界責成

勗以協力同心

惕以前車之鑒凡身在行間者有不奮興恐後敵愾

獻功哉

同日

上又命軍機大臣傳諭魁倫曰近日以四川地方形勢詢之本省人員據稱蓬溪一帶西阻潼江東阻嘉陵江且合州地方爲兩水會合入江之地最爲

扼要若官兵能於潼江嘉陵江合州三處兜截使  
賊匪無處奔逃正可爲一鼓殲擒之計朕爲川西  
賊情緊要時刻詢訪魁倫豈尚不知籌及於此惟  
當趁此機會催調黔土各兵上緊籌辦或將賊匪  
誘近合州卽在潼江之東嘉陵江之西設法剿辦  
務須盡絕根株不可稍有延緩倘賊匪竄過潼江  
致完善之處遭其蹂躪則不但魁倫之罪甚重朕

亦何顏對川省臣民耶

二十五日

戊申

德楞泰奏言

臣

前在禮縣江家川

等處將竄甘之楊開甲等股賊匪痛剿斃其偽

元帥陳正申偽先鋒王添元等殄擒賊匪及投

出滇散難民二千餘人餘匪狼狽敗逃各緣由

當經詳晰寄呈額勒登保繕摺具奏

臣

跟躡該

逆等於十一日追至徽縣姚家坪途次接准額



勒登保來信並抄寄督臣魁倫奏稿以川東川  
北各逆躡水搶渡嘉陵江西賊衆不下萬人  
有上下分擾之勢恐其延及成都重慶令

臣速卽

回川截剿其現追之楊逆等著交吉蘭泰接辦

臣

察其情形賊勢緊要隨卽遵照回川十二日

自姚家坪啟行經由畧陽入棧取道廣元昭化  
劍州而進十六日途次寧羌又准魁倫移咨以

各逆竄赴鹽亭南部等處滋擾官兵暫駐潼川  
僅能防其西竄成都之路俟貴州兵到卽渡江  
自南而北已囑七十五改道由順慶自東而西

囑

臣

迅由廣元昭化直至梓潼綿州自西而東

旣可截梓潼赴省大路又可截走龍安捷徑且

收三面夾擊之效

臣

查嘉陵江居三江之中該

處地勢稍平居民富庶其历年完善者亦以是

江爲之藩籬今賊已陸續渡江民心固已驚惶  
兵力驟難雲集魁倫若急於進剿不惟兵力不  
敷反恐驅之狂竄愈入愈深此刻惟有將沿江  
大小船隻盡行撤泊各城附近地方再將西南  
一帶扼要之所設法緊守任賊游奕於已經蹂  
躪之地臣到時相機分路進剿卽或一時未能  
擒除而兩邊江河非船莫渡亦斷不能漏網也

屬當將籌計情形移覆去後茲於十八日已入  
川之廣元計由昭化劍州梓潼綿州一帶卽速  
趕行一日不過百里內外第恐兵馬過於緊迫  
一有疲乏欲速反遲勢必臨陣轉不得力再查  
魁倫現在潼川一帶截剿俟臣趕抵梓潼綿州  
確探賊蹤應由何路進剿之處卽飛致魁倫爲  
兩面夾擊之舉奏入

上命軍機大臣傳諭德楞泰曰德楞泰奏帶兵起程  
回川已抵廣元並籌辦剿賊機宜所見甚是惟據  
稱前在禮縣汪家川等處將竄甘之楊開甲等痛  
剿殲斃偽元帥先鋒等一節德楞泰旣得勝仗自  
當卽行具奏卽因與經畧相距不遠亦應一面奏  
聞一面將摺底送經畧查核伊本係叅贊與那彥  
成相等那彥成於剿賊情形俱係隨時陳奏且德

楞泰前此帶兵剿賊亦屢經自行奏報何以此次  
止報經畧額勒登保並未自行具摺殊爲拘泥此  
後該叅贊於打仗殺賊情形務須隨時迅速具奏  
前此未得德楞泰在禮縣打仗得勝之信已先經  
降旨將伊補授正白旗漢軍副都統今令其回至  
川西剿賊尤當倍加奮勉上緊剿辦前此川北賊  
匪搶渡嘉陵江魁倫不能預爲防範致令擾及川

西完善地方魁倫之罪自爲最重額勒登保以魁倫爲可靠冒昧赴甘並未妥爲布置致賊匪乘虛西竄其罪卽居其次而德楞泰係屬叅贊率行赴甘亦難辭咎今賊匪已竄赴鹽亭蓬溪一帶該處西阻潼江東阻嘉陵江賊匪屯聚之處實係絕地未始非極好機會德楞泰現由廣元昭化直趨梓潼綿州自西而東所有此股竄匪卽專交德楞泰

剽辦務須乘賊匪自投絕地之時與魁倫奮力夾擊在潼江以東嘉陵江以西將賊匪悉數殲除勿留餘孽卽爲德楞泰之功朕必加以五等崇封德楞泰從前帶兵搜捕賊匪總未能剿盡一股往往半途而廢以致齊家營高家營至今未靖誰之咎耶此次在甘辦理場開甲一股未經辦竣遵旨前赴川西尚無不合現將川西賊匪交伊專辦必當



倍加慎勉立功奏績不得復蹈前轍有功係德楞  
泰居首有罪亦係德楞泰爲重所有帶兵各員內  
如施縉甫由貴州赴川於該處地利情形未能諳  
悉自當與李紹祖等俱聽德楞泰節制其實在出  
力者卽特行保奏若有不遵調度者卽嚴叅治罪  
如得有勝仗亦卽速行馳奏以慰廑注

同日長麟奏言

臣

接准額勒登保咨前赴甘省

辦理軍精二月初二日由西安起身初八日馳抵平涼府據報賊匪已由平涼府屬之靜寧州等處竄赴鞏昌等處官兵四面兜擒一切軍火糧餉均須在鞏昌府就近支應較爲扼要臣當卽星夜馳赴鞏昌一面相度機宜隨時籌畫一面督率臬司姜開陽蘭州道蔡廷銜候補知府盛惇崇等趕緊催辦糧餉務俾源源接濟不令

稍有缺乏再

臣

自馳入陝西潼關以後沿途體

察軍務情形領兵大員非不爭先恐後而勞師  
日久賊氛尙未消除者非盡由於剿捕之不力  
實由於堵禦之無方蓋賊匪並無裹帶奔竄捷  
而出沒無常官兵各有軍裝步伐齊而追尋自  
緩且官兵未經追及賊匪則合夥以掠鄉閭甫  
經追及賊匪又分投以竭兵力官兵逐日追賊

總無停歇賊匪方肆張狂官兵已多疲憊地方  
官吏毫無籌畫百姓商賈毫無防備一遇賊匪  
驟至官則束手不能救援民則棄業悉行逃避  
以致到處得以掠食欲破賊計而絕其利有地  
方之責者非修築堡寨團練鄉勇不爲功若果  
將堡寨處處修築鄉勇團練整齊能使百姓同  
心合意則賊到一處有一處守禦旣不能恣意

搶食又不能迅速奔竄官兵易於追尋何患難

於殲戮是以臣抵西安後當卽會同台布酌定

章程具奏一面通飭各州縣遵辦去後及臣由

西安行抵平涼一路體察各州縣雖俱陽爲遵

奉而其心未必不以現當兵火緊迫之際民情

未洽辦理爲難臣察知其隱若不親身勸導以

爲倡率不推各州縣未必實心任事卽百姓亦

未必一律心齊臣當自平涼縣起及經過之靜

寧固原隆德會寧安定隴西各州縣到處傳集

教職紳士鄉約百姓等親加勸諭靡不共知利

害傾心樂從據此情形是築堡團勇一事但使

官吏勸諭有方百姓自必衆擎易舉臣又經嚴

札通飭各州縣務卽一體妥善辦理毋得稍存

畏難苟安之見致失機宜臣並恐陝省各州縣

仍不免虛應故事當卽札委隨同前來之兵部

額外主事竒明卽日回陝先將川陝豫楚之各

處邊界應行堵禦處所會同各州縣依照

臣

親

身勸諭之法一體妥爲勸諭併飭令辦理完善

後仍悉心體察如環山一帶各州縣應行守禦

之處亦卽次第辦理以冀仰副

訓諭至現在辦理修築堡寨團練鄉勇等事在在需

人可否准將陞任浙江臬司之道員王銀暫留  
甘省俟堡寨鄉勇辦齊後再令請

訓赴任再應行築堡團練之處計陝省三十七廳州  
縣甘省三十三廳州縣兩省道府各有經手要  
務不能分身兼顧若每省僅恃王銀竒明各一  
人勸諭料理亦恐遍歷需時查現有解餉來甘  
及解餉赴川均奉



旨發往川省候補道府之元福楊護人俱明白可用  
可否仰懇

聖恩卽將元福留於甘省幫同王銀辦理併將楊護  
留於陝省幫同竒明辦理之處恭候

聖裁訓示奏入

上命軍機大臣傳諭長麟曰長麟所奏賊氛尚未消  
除由於堵禦無方各情節皆切中軍營情弊朕已

早經見及現在長麟於經過地方到處曉諭紳士  
百姓等勸令築堡團練並分派各員於川陝豫楚  
各交界處所一體遵照所辦皆好此時甘省竄匪  
屢經官兵截殺勢已潰敗而額勒登保病亦痊愈  
現已帶兵前進尤爲欣慰額勒登保那彥成自必  
分投剿擊甘省賊氛不日可就肅清長麟惟當將  
軍營應用糧餉等項悉心籌辦源源接濟至額勒

登保等剿辦甘境竄匪元竣自必帶兵前赴川省  
所有甘省邊界應行防堵及一切善後事宜長麟  
務須實力協辦前此廣厚所調阿拉善兵自應遣  
回長麟應已妥爲料理令回原處此外各兵應卽  
酌量撤令歸伍如甘省賊匪剿盡後陝省尚有餘  
賊長麟係陝甘總督兩省皆其所轄當酌派弁員  
帶兵前往協剿自更得力若陝境業已無賊則當

令其歸伍以節糜費至所請王錕著准其暫留該  
省一俟軍務完竣後卽令來京陛見前赴新任奇  
明亦著准其以司員暫留陝省委用事竣後卽隨  
經畧叅贊等來京供職前此發往川省候補道府  
之元福楊護二員楊護已經台布奏留陝省辦理  
秋審元福著准其留甘卽以陝甘道府補用該督  
卽行知照川省可也

同日倭什布奏言查樊人傑等股經總兵孫清  
元一路兜勦至蔣口地方後起羅逆一股經

臣

親督官兵攔擊至三座菴等處均在山中向東

南翻越

臣

於十一日帶領副將樊雄楚黎將烏

爾卿額等乘夜冒雪從馬欄自北而南並派遊  
擊蔣攀龍守備羅陞分投從仙家坪一帶前進  
十二三等日沿途各有殲戮共計二百餘人陸

續散出良民三百餘人賊匪情急丟棄牛馬包  
裹捨命奪路竄入保康壽陽坪恃險屯聚已不  
及千餘人該處仰攻不易官兵卽於對面紮住  
而孫清元等於初十日打仗後申刻抄至保康  
五虎堽溝口適遇賊匪守備吳純俊王占鰲等  
率領兵勇直抵溝內迎過左手山谷中復有匪  
匪衝下叅將海麟遊擊胥泗起奮勇力敵共斃

賊五十餘人將該匪逼向金斗坪三倒峽南遁

臣  
察探兩路賊人相距甚近與其分路剿辦彼

此兼顧爲所牽綴不若逼歸一處官兵聲勢聯

絡較易得手當令孫清元等帶兵乘夜抄赴沙

子嶺等候令蔣攀龍由壽陽坪躡擊臣自北折

至保康城南之殷家灣馬盤山直進兩路儘力

圍剿十五日後起賊匪在九里川地方併入前

起獲內收奔歐家店一帶東走臣與蔣攀龍等

乘勢兜進愈逼愈緊各斃賊四五十人逼至沙  
子嶺官兵伏起賊尚分投抗拒經孫清元同叅  
將吉林泰曹星等分督官兵奮力截殺把總王  
殿鰲搶入賊隊砍倒四人生擒一人都司周言  
昇姜元祥孫應奉守備王占鰲吳純俊金洪翮  
等勇往直前均以刀矛格鬪該匪迎敵不住向



關子垵格子田亂竄官兵分投兜趕十餘里計  
是日共斃賊三百餘名生擒馮右林等三十二  
名是夜大霧紮營歇馬河賊尚敢折回偷近山  
坡意欲攻撲相持至曉我兵分道突出叅將吉  
林泰海麟守備吳純俊韓瑛在右叅將曹星全  
祿都司毛秉剛守備王占鰲在左竭力裹殺臣  
督令樊雄楚烏爾卿額等趕至從中橫擊賊更

惶窘漫山散竄兵勇銳志痛剿外委張代鳳趕  
入賊隊殺賊七名生擒一名尤爲出衆直至酉  
刻始行撤回計共斃賊七百餘名生擒孫星海  
等六十三名是日趁勢逃出被脅男婦多至六  
七百人所獲活賊均係打仗矛手訊供樊姓張  
姓要往襄陽徐三等要回四川今被官兵剿急  
並無一定去向等語餘無要供當卽駢戮查該

匪兩起歸併現在敗奔休康興山接壤處所距  
邊界已近深山中無從焚掠殘喘難延正可乘  
其窮威逼令入川惟刻下經官兵痛剿各不相  
顧散竄在北峯寺等處老林內恐其分投迤東  
闌至南漳遠安山內藏匿臣令孫清元等抄道  
南漳邊隘兜截並飛催王凱自東湖遠安一帶  
率兵迎來遏剿臣由西北緊逼而進總期日內

將賊人隨剿隨逼盡數截回川境稍慰

聖慈垂厯連次傷亡兵勇俟查明另行咨辦至松筠  
所奏詢據難民供稱之賊首張洪榮一犯連次  
獲賊研訊未據詳細供出有云卽係張沅受有  
云內有張姓頭目主謀不知其名是以

臣摺內

未敢牽混申叙其實前起樊人傑等實係在平  
利四股賊匪會合因無官兵兜剿併力竄入非

僅止張洪榮徐掌櫃二股三四千人至吳熊光  
所稱竹山竹箬之賊分爲兩股卽係樊人傑等  
至二竹境內散竄時有分合並非續後關入之  
羅姓賊匪山中路徑紛歧探報多有未確合併  
陳明奏入

上命軍機大臣傳諭松筠倭什布明亮日英人傑等  
股及羅逆一股賊匪現已歸人一戮經官兵乘勢

進逼痛加截殺所辦可嘉惟據稱賊匪現在敗竄  
正可乘其窮蹙隨剿隨逼盡數截回川境此則不  
可昨已降旨各路帶兵官員總須在本境將賊匪  
殲盡不得縱令他竄今楚省賊匪已兩股歸併敗  
竄保康興山等處相距邊界甚近深山中無從焚  
掠自難延喘且據倭什布奏賊衆已不及千餘人  
復經官兵分路截殺又殲擒七百餘名而被脅男

婦乘勢逃出者又有六七百人是賊匪所餘無幾  
勢極窮蹙正當併力兜圍設法進擊卽在楚省境  
內將敗竄賊匪全行撲滅倘失此機會又任他竄  
必致復行裹脅滋擾倭什布當趕緊奮擊速清楚  
境若餘匪乘間奔逃不但明亮應遵前旨卽行緊  
躡賊蹤設法抄擊倭什布亦當跟蹤前進現在總  
督姜晟已將抵楚又有松筠在邊境防堵倭什布

當隨賊所向竭力剿殺原非令其遠至川省剿辦  
別股賊匪而該省本境竄匪必當乘勢掃除淨盡  
毋得以驅逼出境卽爲完事又以鄰國爲壑致干  
重咎倭什布前已降旨加恩補授湖北巡撫今又  
能剿殺多賊本應加之恩獎但湖北境內之賊尚  
未剿盡不可又思逼入川境統俟將楚省竄匪悉  
數殲除後再將倭什布賞給三品頂戴此一節著



松筠存記且不必宣布於此股賊匪辦竣後再傳  
旨賞戴倭什布不可不倍加奮勉也至此大督兵  
各員把總王殿鰲外委張代鳳尤爲奮勇著將該  
二員先以應陞之缺陞用其餘在事出力大小員  
弁如孫清元樊雄楚等亦俟楚北賊匪剿竣再行  
交部議敘至松筠於楚省賊匪剿辦完竣後亦不  
必卽行來京仍當在該省邊境督率防守聽候諭

旨

同日台布奏言查唐大信龍紹周張子聰王金柱各股逆匪竄至安康縣之四季河一帶先經

臣飛飭臬司溫承惠馳赴磚坪地方相機迎截

該司卽帶鄉勇四千名由柳口前進甫抵湘子坪大梁逆匪大隊全至該司派勇三千名分作三路令千總王英義首冉貴等由中路直撲把

總傅嘉吳大章等由左手橫擊把總胡貴等出  
右手抄截該司帶勇一千名在後策應冉貴胡  
貴劉明周卜貴丁朝貴帶領眾勇首先衝入賊  
匪自恃人眾抵死抗拒卜貴丁朝貴帶領鎗手  
奮力進攻打死穿紅馬褂騎馬賊一名王英等  
帶領眾勇撲上山梁鎗矛並發殺死賊匪三百  
餘名生擒余二福等二十五名該匪抵敵不住

向藺河一帶奔竄適總兵慶溥帶兵趕到截住  
痛殺該匪大隊直撲官兵都司楊雲霄王建讓  
守備劉允孝等分兵衝入將賊衆分爲兩截鎗  
轟矛戳殺賊一百六十七名該匪等仍欲折回  
四季河逃竄王英等又追殺三十餘名生擒張  
國棟等三十七名賊衆丟棄騾馬翻磚坪大梁  
逃竄救出被裹難民男婦三百七十六名口訊

據獲犯僉供賊首王金柱已被鎗斃隨令各犯  
指認卽穿紅馬褂騎馬之賊查係鄉勇劉國政  
用鎗擊斃除將王金柱屍身鑿剖活賊余二福  
等七名梟示外其餘從被裏人等俱逐一訊明  
分別給票回籍鄉勇劉國政該司並捐賞銀一  
百兩臣現飭該司與慶溥分投躡剿務期乘勝  
搜斬淨盡勿留餘孽至五家營川匪前經臣與

劉之仁兩路逼擊折回鎮安地面復經

臣

飭令

劉之仁多爾濟扎普帶兵向鎮安西南兜剿節

據探報該匪等聞知官兵跟蹤前往復又折竄

安康之琉璃溝店子溝滋擾查琉璃溝等處小

路仍可通往楚豫楚省此時兵少賊多豫省未

經被賊已逾一年該二省邊界均斷不可任賊

闖入適於廟溝途次遇見侍衛愛星阿帶兵回

歸因令迅赴山陽九里坪屯紮該處可兼顧兩  
省甚爲扼要一面札囑劉之仁多爾濟扎普趕  
緊追擊與愛星阿彼此知會將商州鄖西妥爲  
防護萬勿存以鄰爲壑之見驅令出境遂謂了  
事此外緊要處所臣惟有隨時相機妥協籌辦  
統俟馳抵漢中再行具奏奏入

上命軍機大臣傳諭台布曰台布奏札囑劉之仁等

趕緊追擊五家營竄匪並將商鄖防護不得驅令  
出境卽爲了事一節此數語深得大臣之體昨經  
降旨通諭各路領兵官員總須在本境將賊匪剿  
淨不得縱令他竄其任堵禦之責者亦須在本境  
嚴密防守不得任賊闖入今台布所奏深與昨旨  
相合嘉是覽之但不可僅託空言務須認真督辦  
將該省各股竄匪卽在陝境悉數殲除其現竄蘭



河之賊及五家營餘匪尤當飭令慶溥溫承惠並  
札知劉之仁多爾濟扎普等分投躡剿扼要堵截  
速清陝境方爲不負任使

上諭內問曰陝省竄匪在安康一帶分路奔逃經臬  
司溫承惠帶領鄉勇直前抄擊殲賊三百餘名鎗  
斃賊首王金柱餘匪敗竄蘭河復經總兵慶溥帶  
兵截住殲擒賊匪二百餘名救出被裹男婦三百

七十餘名口所辦深爲可嘉慶溥溫承惠俱著交  
部議叙鄉勇劉國政用鎗打斃賊首甚爲奮勇著  
賞給七品頂戴投爲把總其千總王英首先撲上  
山梁殲擒賊匪多名亦屬出力著賞戴藍翎若王  
英從前已賞藍翎卽著以應陞之缺陞用其餘打  
仗殺賊之義首冉貴胡貴劉明周卜貴丁朝貴等  
俱著台布酌量賞給頂戴以示鼓勵

同日勤保奏言臣於二月十八日行抵西安查

探川匪情形徐添德冉添元等股自定遠之石

板沱搶渡嘉陵江裹脅日衆重慶潼川保寧各

府屬境內均有賊匪滋擾勢正鳴張總兵朱射

斗爲川省提鎮中最爲勇往出力之員現已陣

亡兵將損傷亦多魁倫駐劄潼川不能再動賊

已竄至南部西充鹽亭等處南部縣知縣王贊

武堵賊被害臣聞之倍增忿恨查自鹽亭以往

更逼近成都萬一省城稍有擾動更屬不成事

體幸蒙

聖主燭照機先預調貴州兵三千名派令總兵施縉

帶領前往想刻下當入川境查施縉前隨臣剿

辦狎苗最爲出力現在札會該鎮卽將先調之

兵三千名由瀘州資州一帶就近運赴成都力

爭上游爲迎頭夾擊之計庶西南一帶完善之  
區可資保護其續調之黔兵二千名亦卽催令  
陸續到齊合併一處以期得力至臣前在四川  
敬宣脅從罔治之

恩旨去年自春至秋川東川北投出難民實有四五  
萬衆今賊過嘉陵江裝脅又多必須及早解散  
庶剿辦易於得力現又敬播

皇仁繕刻簡明告示先發川西張掛俾被脅難民咸

知臣復來川可以踴躍就撫並聲明現在帶兵

數萬前來剿辦即日可到成都庶足以安人心

而寒賊膽惟該匪等現既延及南部鹽亭一帶

臣一入川境恐與魁倫軍營中有阻隔即須隨

剿隨進以期速爲會合實非徒手所能從事且

聞北棧時梗時通京餉尚在鳳縣停滯臣單騎

前往是以昨日飛商額勒登保就近有無兵將  
可以籌撥以資迅速剿賊如無可撥之兵臣亦  
當設法探聽前進斷不稍有耽延至德楞泰現  
又奉

旨催令赴川想已卽日起程倘得於前途遇見更可  
先爲會合一路剿賊俟到魁倫軍營再行分兵  
剿辦奏入

上命軍機大臣傳諭勒保曰節次降旨令勒保赴川  
西剿捕竄匪勒保接奉初次諭旨已由西安取道  
自應迅速前往現在德楞泰亦由廣元昭化前赴  
川西勒保到彼自可會合併力夾擊至所稱飛商  
經畧額勒登保就近撥兵一節額勒登保現在剿  
捕甘省大股賊匪如能分兵相助固屬甚善若無  
兵可撥勒保不可等待當設法饋行速赴川西爲



要現在魁倫已調有黔士兵數千名德楞泰亦帶兵前往又有李紹祖帶去之兵爲數已及萬餘勒保到彼酌量分帶足資剿賊之用現在賊匪在鹽亭蓬溪一帶西阻潼江東阻嘉陵江已自投絕地未始非極好機會勒保惟當上緊籌辦將此股賊匪卽在川西辦竣不可又任其竄赴川北川東爲要勒保行抵川境卽將川西賊匪情形探聽明確

先行迅速具奏以慰厯注

二十六日

巳酉

吳熊光奏言楚省賊匪近日雖距

均州漸遠現據偵探報稱前股賊匪竄至馬家

口一帶有奔竄興山巴東折回川境之勢後股

賊匪亦由上道河奔往栢木壽陽與前股合夥

賊匪詭詐多端上年竄至歸州滋擾後復折回

南漳由竹山西竄今若直向興山巴東南趨自

卽可逐出楚境設官兵不能截住致向東趨則

南漳正關要緊又臣前日風聞襄陽之雙溝夾

河洲等處因賊蹤竄近民情不免驚疑紛紛遷

避臣當與臬司完顏岱派委委員改裝易服前

往密訪知經楚省地方官出示曉諭以襄陽郡

有新到滿兵駐劄江岸一帶有豫省官兵堵剿

刻下襄樊一帶居民陸續搬回人心已屬鎮定

至楚省江北之棗陽隨州等處本係從前賊匪  
起事之區餘孽恐未淨盡尚須兵力遙為彈壓  
賊蹤無定目下尚未竄出楚境

臣

惟有督同

完顏岱等在江岸一帶於防範之中仍持以鎮  
定斷不敢稍有疎懈至西路據兩鎮探報過江  
之賊經陝省兵勇在洵陽之茨溝截擊斬獲多  
名惟所剿者係賊之前隊其後隊大股賊匪聞

迎頭有兵卽行折回奔竄兩河關一帶屯聚並  
聞張逆小股亦與合夥臣查陝省賊匪雖已折

回西竄但此股賊匪旣由石泉偷渡江北未必  
復肯竄回漢南且張逆餘匪於山鎮商維一帶  
路徑熟習今已與合夥更難保其不爲引導蓄  
意東趨必須及早撲滅免致日裹日多而陝豫  
官兵亦不致爲其牽制昨奉

諭旨仰蒙

皇上勅令額勒登保令岱森保帶兵赴陝幫同剿辦  
並諭伯麟酌發兵數千名聽候陝省咨調自於  
陝省剿賊大有裨益目下江北賊匪尚未肅清  
盧氏浙川各卡隘尤宜嚴密防範臣已札囑鎮  
臣出永桐常林等照舊分駐董率將弁兵丁確  
探陝省賊匪趨向慎密巡防奏入

上命軍機大臣傳諭吳熊光曰現在楚陝兩省竄匪  
節經官兵痛加剿戮賊勢已形窮蹙自必不敢前  
來豫省邊界窺伺但吳熊光督率將弁在彼防堵  
仍須嚴密不可因賊蹤漸遠稍存大意所有江岸  
一帶惟當率同完顏岱等持以鎮靜加意防範如  
探聽楚省之賊與豫境相隔寫遠實可放心吳熊  
光方可回至省城完顏岱仍當在彼防守至陝省

過江之賊尚未肅清張逆餘匪於山鎮商雒一帶  
路徑熟習更難保其不思合夥東趨盧氏浙川各  
卡隘尤宜上緊防禦總兵田永桐常林等務當董  
率將弁兵勇實力巡防無使賊匪一名闖入如探  
聞陝界竄匪亦已殲除淨盡吳熊光察看情形再  
將田永桐常林等撤回亦不爲遲

同日高杞奏言查此次賊匪樊人傑等由陝竄



入湖北二竹境內叠經倭什布督率兵勇分投  
截擊該匪豕突狼奔忽分忽合或東或西臣因

襄陽以下兵守雖虛但能於上游截其來路卽  
可不致蔓延各屬報稱集有義勇堵禦未免自

顧身家究難深恃早經臣飛飭該府州縣隨時

相機酌雇鄉勇合力策應惟接據倭什布來札  
有羅士青一股賊匪自陝西平利縣闖入已至

房竹交界之秦口及竹山之虎盤溝等處倭什  
布僅帶兵二百餘名雖調副將樊雄楚叅將烏  
爾卿額等帶領烏雲頂陰條嶺等卡兵勇前往  
迎擊第兵力究形單薄下游訛言四起新兵爲  
數無多難以抽撥兼顧臣查下游一帶鄉勇雖  
多未經行陣亦且遠不濟急徒滋糜費更恐沿  
途行走轉涉驚疑惟襄陽鄖陽兩府民人素稱

驍健頻年應募隨營尙能得力且係近賊之處

較爲便捷

臣

當卽飛飭該二府立時挑募年力

精壯熟習烏鎗技藝鄉勇各一千五百名合成

三千名給予號衣器械行糧派令曾經打仗出

力之紳士帶領呼應較靈並委向帶鄉勇候補

知州郭淵極現補黃安縣知縣沈堂千總劉茂

林把總楊光海馳往統率星赴倭什布軍營聽

候調遣到營之後按例發給口糧錢文並傳諭紳勇人等如能奮勇殺賊始終不懈卽當據實奏請

加恩俾各踴躍爭先用收實效現又接據駐防鄖西縣之糧道恒慶稟報前在陝西過江賊匪於二月初七日來至鄖西邊境攻撲天池領野毛坡趙家河各卡該道卽同知縣孔繼楨督率練義

各勇奮力截剿賊匪被殺不少折回陝西洵陽  
縣之竹山河一帶陝省官兵現已追到迎前抄  
截自可無虞闖入臣已飛飭該道等不可因賊  
匪折回稍存大意仍須嚴益加嚴悉力堵禦奏

入

上命軍機大臣傳諭松筠曰湖北下游一帶居民聞  
知竄匪擾及鄖西道路傳聞未免心存惶懼致起

訛言必當早爲開導以定民心現在松筠自己馳  
抵湖北軍營接署督篆著卽出示諄切曉諭以鄂  
西邊界賊匪因川陝各路官兵追剿緊急逸入房  
縣竹山一帶業經倭什布孫清元等連日在保康  
壽陽坪五虎壩等處痛加剿殺賊匪敗竄官兵四  
路圍逼可以尅日剿盡而陝境之賊經台布等剿  
殺亦不能竄近湖北邊界此等潰敗餘匪斷不能

再延殘喘是鄖西一帶地方均可一律肅清爾百姓不可輕信謠言互相傳播以致驚惶莫定自失生業再據高杞奏稱挑募鄉勇三千名委員帶赴倭什布軍營一節前因竄匪在房竹一帶滋擾倭什布處所帶兵力較單是以令高杞酌募鄉勇幫助官兵今倭什布於王凱帶兵未到之先已能以少禦多連得勝仗賊匪所剩無多可期卽日殲除

又何須添募鄉勇至三千名之多但此時各鄉勇業已應募到彼著松筠酌量情形妥爲布置如該處原設鄉勇壯健者不可率行裁撤其中老弱疲乏者竟當挑出撤退將此項新到鄉勇按名補入更爲得力如此外尚有多餘卽令各歸鄉里以節糜費若此項鄉勇已全數到彼正當剿賊喫緊之際卽令幫同官兵將賊匪全行剿盡方爲蕪事至



湖南兵丁亦著松筠酌量如可無須添調卽一面行文停止一面知會姜晟現在賊匪旣已窮蹙松筠惟當與倭什布明亮併力截擊務於本境內將賊匪悉數殄滅不得以驅逼出境塞責也

二十八日

平亥

四川候補總兵劉之仁奏言

臣欽

奏

諭旨留陝剿捕賊匪於二月十八日會同多爾濟扎

普率領滿漢官兵由鎮安縣屬之仁河口行抵  
洵陽縣之河溝口探得賊匪屯聚三岔河老林  
是以公同商酌臣留兵勇數百名扼住河溝口  
以防賊匪竄路多爾濟扎普帶領

盛京荆州滿兵及各營兵丁並鄉勇連夜馳赴該  
處當率將領兵勇以大礮轟擊賊稍敗退官兵  
乘勝剿殺賊匪二百餘名無如賊匪狡獪分令

餘匪由山溝繞赴我兵之後意圖作夾攻之計  
多爾濟扎普見賊撤動卽率官兵奮勇直前隨  
剿隨進不意繞出溝後之賊翻過山梁竟撲我  
兵後隊多爾濟扎普往來指揮又殺賊一百餘  
名愈殺愈多賊匪層層圍裹而來官兵左衝右  
突賊匪並不畏避多爾濟扎普情急力戰陣亡  
臣得信卽率領官兵前往策應賊仍奮力抵拒

幸被圍官兵知有我兵接應內外奮力夾攻賊  
匪始向後山逃竄維時天已昏黑未便往追

臣

卽率官兵回營留兵偵探賊匪前隊已向仁河

進發

臣

恐其北竄鎮安大路致未經賊燹之區

又被蹂躪是以馳抵鎮安扼要紮營遏其北竄  
之路以便迎擊奏入

上命軍機大臣傳諭額勒登保那彥成恒瑞曰此次

劉之仁多爾濟扎普探得賊匪屯聚三岔河卽分  
路堵剿並無畏葸情事總因該處山徑分歧不能  
熟悉被賊匪從山溝繞赴官兵後路以致失利現  
在鎮安一路帶兵大員祇有劉之仁一人實難倚  
恃恒瑞係西安將軍於陝省道路素爲熟諳且甘  
肅竄匪現有經畧額勒登保叅贊那彥成等在彼  
督辦共有六路官兵自不少恒瑞一人祇以那彥

成係恒瑞之壻恒瑞與之會合一處諸事得有依靠是以不肯暫離實乃公中之私今陝省帶兵需人而恒瑞於甘肅道路情形又不如陝境之熟諸著恒瑞接奉此旨卽刻帶兵馳赴鎮安一帶會同台布督辦本省賊匪此時甘肅官兵約有數萬儘可酌量分撥並著額勒登保於此內挑選數千名交恒瑞帶領回陝更爲得力若將重兵全留甘省

卽使甘境之賊剋期殲盡而陝省竄匪乏人剿辦  
又復鴟張仍須額勒登保等到彼督剿轉至多延  
時日不若此時卽令恒瑞帶兵赴陝得以迅速殲  
除豈非事半功倍現在陝省各股賊匪專交恒瑞  
台布剿辦恒瑞於到陝後與台布劉之仁一面確  
探賊蹤扼要截剿一面守住鎮安隘口不令北竄  
務將賊匪卽在陝境剋盡勿留遺孽不可又任奔

竄他處復至蔓延也

上又命軍機大臣傳諭台布曰昨台布奏將沙溝一帶賊匪專交總兵劉之仁多爾濟扎普二人剿辦摺內有可以放心之語彼時朕卽以伊二人於陝省地利必不能熟習是以降旨令台布隨時察探仍須親赴軍營認真督辦今多爾濟扎普果因不諳路徑被賊繞至後路層層圍裹力戰陣亡殊爲



可惜多爾濟扎普著咨部賜卹至賊匪圍裹官兵  
時經劉之仁帶兵策應奮力夾攻賊卽畏懼逃竄  
是賊勢尚不至鴟張過甚但現在鎮安一路祇有  
劉之仁一人帶兵剿辦實難倚恃恒瑞係西安將  
軍現已有旨令其由甘省帶兵數千迅速赴陝幫  
同剿辦台布係本省巡撫自應以帶兵剿賊肅清  
陝境爲重其軍需事務自有一定章程尚易辦理

著台布卽將漢中軍需事件派委大員經理或於  
候補道府湯護元瀾二員內酌量一人令其接辦  
所訂一切支應該員自當隨時稟報台布仍可按  
冊稽核該撫卽刻馳回鎮安一帶督同劉之仁等  
相機辦如現在兵力尚覺不敷昨已降旨令伯  
麟派派山西兵在蒲州一帶駐劄該撫酌量情形  
如必須添調兵力卽行飛咨伯麟調撥三千名若

兵已足數用卽毋庸再行咨調總須將賊衆略  
加殲戮卽於陝境辨竣勿令他竄倘稍有疎懈或  
致賊匪從鎮安隘口北竄則惟台布劉之仁是問